

餘姚縣誌
(光緒)
一

ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇元（全書共三百一冊）

大興

中央

生

光緒廿五年太歲
在己亥秋七月成

重修餘姚縣志敘

邑於瀕海之區值中外合一之際見聞日異新學繁興譯書畢集於四洲風氣頓更乎疇昔士之有志斯世者莫不日窮荒外隘視九州設進以攷獻徵文之業拾遺訂墜之功鮮有不笑其迂者而況茲事體大尤非旦夕所能告成者乎夫厭故而喜新者學士之常也畏難而苟安者恆人之習也姚志之不修迄今垂百餘年矣前之作者時際休明俗尚齊一人蓄油素家懷鉛筆徵書既易集事尤速今則不然辛壬之變全浙淪陷姚遭蹂躪尤非一次欲考昔賢之手澤故老之遺書大半亡於兵燹罕有存者嗚呼時勢之異旣如彼攷證之難又如此欲後之從事於此者人

齊其心而輸其資士合其力而勤厥事無雜糅之弊無挂漏之譏豈易言哉豈易言哉雖然事無難也無人任之則難事無易也有人任之則易余自辛卯之夏由桃州移篆於此下車伊始披覽舊志俯仰今昔未嘗不慨然有志猥以奔走吏事日不暇給徒呼負負癸巳歲中丞邵公遺書於邑之人士曰邑志係一方之興替其閒之經入咳數風化芳臭豈可聽其世遠年久變革湮沒而忽然置之乎願捐鉅款以先之蓋邵中丞以經綸宇宙之才篤恭桑敬梓之誼鄉里善舉知無不爲爲無不力茲固尤其所惓惓者余聞之爲之欽佩無已因相與麤定章程張示曉勸甫經設局適余因事解任去春重蒞斯土諸君子濟濟咸集各

展所長余固知秉筆之多才而可以觀成也顧天下事各有際遇非人力所能強余自出宰以來凡地方事無一不以實心自矢然而有濟有不濟俱非偶然竊計前後蒞姚已經三次今又將移篆他方而是書適將次告竣不先不後竟得躬逢其盛不得謂非際遇之幸也爰述其略以付手民俾後之覽者有以知其緣起云

光緒丁酉仲夏

知餘姚縣事南海周炳麟譔

餘姚縣志敘

昔班氏勅古今人表世頗訾之然張晏獨謂其旁觀諸子
事業未究初未嘗輕詆之也嗚呼天地定位而人宅其中
川原坱圠華實蕃廡無與焉邑廛隱軫隍塹周遭無當焉
卽產饒竹穀纁旄玉石益無裨焉惟有人而地乃附之以
顯故畫邑最壤爾而以王蠋著寢邱醜諡爾而以叔敖彰
地之賴乎人也不綦重哉所以龍門而下史表充棟攷其
表志率儉於篇或竟缺焉而其傳人物也輒占全書太半
豈不以山川疆域代有成編風土謠俗早標故記惟人才
應運而興或侔儻勝政事或瑰瑋嫻文學或龍幹鳳雛如
顏冉或蘭薰雪白如曾史不有紀載何以昭示來茲乎夫

然知作史如是修志亦爾吾邑自東漢嚴先生羊裘垂釣
高軌殊邈令人興起迄於前明陽明子出提倡良知振興
絕學非徒一代偉人自餘鉅人長德史不絕書

國朝養士最隆故夫砥德礪行之彥政事文學之科具足
頡頏曩賢矜式鄉邨咸豐之季雖殘於寇而休養生息垂
四十年邑之人士又豈無嘉言懿行足以風世者耶況夫
敦尚氣節自昔而然當粵逆蹂躪殉義尤多故載筆者既
博采聞人碩彥詳著於篇而一節士女勢難徧傳復特編
二錄以存名氏儻亦班氏人表之意歟至增志義舉一門
又以見風俗懿茂好德者多夜光雖珍積則成海文狐之
腋聚斯爲裘否則寥寥數事曷以成章緣是以言知非夸

飾舊志存者有康熙乾隆二志此之所修體例較備雖曰
表章人物而本末兼賅詳略相稱頗合於史裁云
光緒己亥孟秋

邑人邵友濂譔

重修餘姚縣志凡例

一重修志乘體兼述作舊志在所必因縣志則省府舊志亦在所必采縣所隸屬府志始自宋施氏宿嘉泰會稽志張氏吳寶慶續志至今未佚最近者國朝知紹興府事李亨特公之紹興府志成于乾隆五十七年是謂乾隆府志中間有元韓氏性道明弘治弘治嘉靖間戴號南大吉監修未成見乾隆府志敘錄然舊志分注間萬曆蕭良翰監見弘治府志之目豈臺本曾經流傳歟孫鑛國朝康熙李鐸監修俞卿各志皆未之見省志續修周徐彩譔則有乾隆浙江通志志初于雍正九年成于十三年以乾隆元年刻成進呈舊志引用稱乾隆通實以明嘉靖朝薛氏應旂之通志爲藍本薛志今亦無從訪求矣縣志存者知縣事康侯如連之康

熙志唐侯若瀛之乾隆志並以成書時代爲之目其在明代有萬厯縣志散見乾隆志各條分注先于是者嘉

靖朝縣人楊氏撫岑氏原道胡氏膏實始創之是謂嘉

靖志

吳氏大本三祠傳輯敘稱嘉靖朝知縣顧公存仁

勅立草本金公韶嗣成之尙寶孫公輝重加編輯續之者爲楊公撫等云云案岑氏後敘有姚以文稱志顧缺焉二語同在嘉靖一朝前有成書不容抹撥意者未經刊布旋就散佚但據今所今鄞天一閣范氏有寫得見不容不推此志爲權輿矣

本凡四冊佚第一冊讀卷尾岑氏後敘知佚者建易記

第一區域記第二山川記第三之一之二凡四卷自山

川記第三之三湖陂

爲弟五卷

終外紀第十七可繕寫蓋唐

侯所未見惟乾隆通志嘗引之幸得資之參校于述舊

差無餘憾

一輿記圖經隋唐以來史志已多箸錄可攷見者唐李氏吉甫元和郡縣圖志凡四十有七鎮鎮各有圖皆在篇首具見自敘厥後地志遂用其體至于開方鳥道細入豪芒圖續之學日益精審乾隆志嘉靖志佚第一冊圖志本無圖故不數及第具大凡未爲邃密今據同治初縣人黃氏炳厘手寫縣境全圖參以本省輿圖局本續爲總圖一北城南城臨山衛城三山所城縣署學宮試院圖各一及四境分圖六仍依通例列在卷端非云爭勝前人蓋亦幸際時會

一地志肇于三代尙書禹貢周禮職方是其首基要于方域山川土田貢賦民風物產諸大端薈萃一編足資治

理蓋政書也實惟食貨

舊志田賦今仍其目原纂僅舉大綱今依乾隆府志條分縷析

較便河渠

舊志湖陂今改題水利

以及典祀學校事兼富教皆政

要也今仍舊志參互攷訂增益其所未備有加詳焉至若戎政則所以經武筦之中樞近雖籌及度支時有裁減由來經制不可無稽今增志兵制別箸于篇

一睦嫻任卹周官大司徒以教萬民次于孝友良以天下一家民物繁庶必使下無無告則博施濟衆堯舜有病合天時人事勸分以爲酌劑亦隱寓與人爲善之至意也縣自宋孫氏椿年勗立義莊息于昭代達官巨室好行其德者肩比踵接其大者上達宸聰欽承奎藻次亦具案牘于有司勒成規于貞石而或就湮于變